

**HIGH  
POWER**  
TRIUMFO

# Manuali i Trajnerit



Trajnerë: Radhitni emrat e kampionëve në ekipin tuaj dhe përdorni pasqyrën e mëposhtme për të mbajtur pjesëmarrjen dhe mësimin përmendësh të Vargut Tematik. Në kolonën e shënimeve përfshini çfarëdo informacioni të veçantë rreth kampionëve (p.sh. alergji apo gjendjen shëndetësore)

Emri	Dita					Vargu	Shënime
	1	2	3	4	5		
1.							
2.							
3.							
4.							
5.							
6.							
7.							
8.							
9.							
10.							
11.							
12.							

# Pasqyra e Lëndës

Mirëseardhje	5
Dita 1: Ji i mësueshëm	7
Dita 2: Ji i guximshëm	11
Dita 3: Ji i përlulur	15
Dita 4: Ji besues	19
Dita 5: Ji shpresues	23
Materiale Shtesë	27



# Mirë se vini në Kampin High Power!

Mirë se vini në Kampin e Sporteve High Power! Jemi të ngazëlluar që do të bashkoheni me ne si trajner. Ka disa gjëra që mund të bëni për të qenë sa më të suksesshëm. Le të shohim disa prej tyre!

- **Jini gati** - Filloni të njiheni me temat dhe pikat kryesore që më parë se të fillojë kampi. Kjo do ju japë mundësi ta komunikoni më mirë të vërtetën e Perëndisë tek fëmijët.
- **Bëni përkushtimet** që janë siguruar për çdo ditë. Kjo ka për t'ju dhënë mundësinë që të dini sesi historia ju ndikoi ju personalisht dhe do t'ju lejojë ta komunikoni të vërtetën e Perëndisë nga zemra juaj.
- **Praktikoni historinë tuaj personale** para se të arrini në kamp të cilën do ta ndani me fëmijët. Sigurohuni që të mendoni sesi mund ta komunikoni historinë tuaj në një mënyrë të përshtatshme për moshën e fëmijëve.
- **Njihe Ungjillin** dhe mëso sesi ta komunikosh atë qartë. Nëse nuk keni pasur mundësi ta praktikoni apo të trajtoheshi flisni me drejtuesit e kishës sesi ta bëni këtë gjë mirë me fëmijët.
- **Argëtohuni!** Si trajner po bëni një lidhje të rëndësishme mes kampistëve dhe kishës. Kjo është mundësia që ju të krijoni marrëdhënie me fëmijët që do marrin pjesë në kamp. Sigurohuni që të argëtoheni me kampistët në sportin tuaj ndërsa iu flisni dhe iu tregoni dashurinë e Krishtit!

## Lista e Kontrollit të Përgatitjes Ditore

- Lutuni me emër për kampionët në ekipin tuaj. Lutuni për rolin tuaj si trajner që të jeni shembull i mirë për ta. Lutuni që Perëndia të përgatisë zemrat për Ungjillin. Lutuni për siguri dhe argëtim.
- Lexoni vargjet nga Bibla për ditën e kampit. Bëni përkushtimin dhe njihuni vetë me pjesën Koha në Ekip për t'iu siguruar që të jeni gati para se të fillojë kampi.
- Mësoni përmendësh Vargun Tematik më poshtë.
- Rishikoni Ungjillin që të jeni gati për ta ndarë atë! Praktikoni përdorimin e mjetit që keni zgjedhur për t'iu treguar kampionëve për jetën, vdekjen dhe ringjalljen e Jezusit.
- Paraqituni gati dhe në kohë në kamp. Takohuni me udhëheqësit e tjerë apo ndihmoni me përgatitjet sipas nevojës.
- Ngazëllohuni! Niveli i energjisë së trajnerit ndikon në mënyrë të drejtpërdrejtë në nivelin e argëtimit që do të përjetojnë kampionët.

### Vargu Tematik

Gjoni 16:33

“Jua kam thënë këto gjëra, që ta keni paqen në mua; në botë do të keni mundime, por merrni zemër, unë e munda botën!”

### Përkushtim

Tema: Për të triumfuar duhet të jemi të MËSUESHËM.

*Lexoni Danieli 1-2.*

Danieli dhe shokët e tij u zgjodhën nga Perëndia për të qenë në ekipin e Tij dhe u treguan të mësueshëm. Ka tipare të caktuara të cilat Danieli dhe shokët e tij i kishin që i bënë ata të ishin tipa të mësueshëm. Ata ishin **të bindur, punëtorë, të duruar, të përgjegjshëm, komunikues të mirë** dhe **dëgjues të mirë**.

Është e mahnitshme të shohësh sesi Perëndia na ka dhuruar edhe ne tipare të tilla. Këto janë në dispozicionin tonë ashtu sikurse për shembull uji. Ne pimë ujë, lajmë rroba, lajmë dhëmbët por uji nuk shfaqet në mënyrë magjike. Ne duhet të bëjmë pjesën tonë për të hapur rubinetin, dushin e kështu me radhë. Në të njëjtën mënyrë, edhe ne duhet të bashkëpunojmë me Perëndinë për të çliruar ato tipare që na ndihmojnë të jemi të mësueshëm.

Danieli dhe shokët e tij dëgjuan dhe bashkëpunuan me Perëndinë aq mirë sa që u bënë shumë të mësueshëm dhe kjo gjë nuk kaloi pa u vënë re. Kur vazhdojmë të jemi të mësueshëm dhe i bindemi Perëndisë, Ai na bekon për bindjen tonë. Danieli dhe shokët e tij u bindën, edhe pse në atë moment nuk kuptonin gjithçka. Ata vazhduan të ishin të mësueshëm në një vend të huaj dhe nuk adhuruan perënditë e huaja. Perëndia i bekoj duke lejuar që mbreti t'i zgjidhte të ishin në ekipin e tij. Ata u zgjodhën para gjithë konkurrentëve të tjerë që të punonin si qeveritarë të mbretit!

Do të flasim me fëmijët se çfarë do të thotë të jemi të mësueshëm. Ndërsa e diskutojmë këtë gjë me ta, le të mendojmë për disa ndodhi në jetën tonë ku jemi treguar të mësueshëm ose ku ende kemi nevojë të mësohemi prej Perëndisë.

## Konteksti:

Cila është një zonë në jetën tënde ku ke nevojë për trajnimin e Perëndisë?

Cilat tipare të karakterit mendon se janë të rëndësishme në mënyrë që të jesh i mësueshëm?

Si mund të kultivosh një qëndrim që të mundëson të trajtohesh prej Perëndisë?

## Meditoni rreth:

**Danieli 1:17-19** “Katër të rinjve Perëndia u dha njohuri dhe mend në gjithë letërsinë dhe diturinë; dhe Danieli fitoi njohuri për çdo lloj vegimi dhe ëndrre. Në mbarim të kohës së caktuar nga mbreti që t’ia çonin këta të rinj, kreu i eunukëve i shpuri përpara Nebukadnetsarit. Mbreti foli me ta, por midis tyre nuk u gjet asnjë si Danieli, Hananiahu, Mishaeli dhe Azaria, prandaj këta u pranuan në shërbim të mbretit.”

## Lutuni:

Tregohuni të qëllimshëm në lutjen dhe kohën tuaj të qetë. Lavdërojeni Perëndinë për gjithë sa ka bërë për t’ju trajnuar deri në këtë pikë. Falënderojeni për atë se kush Ai është dhe për bekimet që ka vendosur mbi ju. Filloni të luteni që Perëndia të lëvizë në zemrën tuaj dhe tek fëmijët në të cilët do të investoni gjatë kësaj jave. Lutuni që Perëndia të zbutë zemrat e gjithë fëmijëve dhe vullnetarëve, që të jenë të mësueshëm, për veshë që do të dëgjojnë fjalën, për mendje për të komunikuar dhe për të marrë pjesë si dhe për një dëshirë për të mposhtur çdo pengesë që u ka dalë deri në këtë moment.



## Dita 1 – Ji i Mësueshëm

### Koha në Ekip

Tema: Për të triumfuar duhet të jemi të MËSUESHËM

Përgatitja:

**Historia #1:** Tregoni një histori për një rast kur kishit dy njerëz që u përpoqën t'ju trajnonin. Fokusohuni tek fakti sesi vendosët se cili ishte “trajneri i duhur.” Çfarë do kishte ndodhur nëse do kishit dëgjuar trajnerin tjetër?

**Historia #2:** Tregoni një histori për një rast kur dikush u përpoq t'ju mësonte diçka dhe ju nuk kishit një qëndrim për të mësuar dhe gjërat nuk dolën mirë. Sigurohuni të komunikoni me fëmijët sesa e rëndësishme është që të jemi të mësueshëm.

Pyetje Diskutimi:

1. Çfarë do të thotë të jesh i mësueshëm?
2. Si mund të sigurohemi që po ndjekim trajnerin e duhur?
3. Nëse Perëndia është trajneri ynë, kush tjetër është në ekipin tonë?
4. Si e dimë që Perëndia është trajneri më i mirë për ne?

Ndarja e Ungjillit:

Nëse po përdorni byzylykun e Ungjillit, dita e sotme përshtatet me ngjyrën e gjelbër e cila flet për krijimin.

Perëndia na krijoi që të ishim në një ekip dhe që Ai të ishte trajneri ynë! Që nga personi i parë, Perëndia dëshironte të ishte trajneri ynë. Perëndia dëshironte të na trajnonte duke qenë në një marrëdhënie të përsosur me ne përgjithmonë! Perëndia krijoi tokën që ne ta gëzojmë dhe

të jemi pjesë e planit të Tij të madh. Perëndia është shumë i mahnitshëm, Ai është i dashur dhe i mirë. Ai duket si një trajner i mrekullueshëm të cilin duhet ta dëgjojmë!

Gjatë historisë tonë të Biblës sot do të dëgjojmë më tepër për një djalë të quajtur Daniel dhe sesi ai e dëgjo Perëndinë si trajnerin e tij. Danieli e dëgjo Perëndinë dhe kështu ndoqi trajnerin më të mirë që ekziston. Perëndia dëshiron që ju të jeni në ekipin e Tij sikurse dhe Danieli. Kur Perëndia na krijoi e bëri këtë gjë nga dashuria. Ai na krijoi që të ishim në një marrëdhënie me Të. Ai na do dhe dëshiron të na trajnojë më tepër se çdo gjë tjetër që krijoi!

Pyetje Diskutimi:

1. Çfarë do të thotë që Perëndia na krijoi të ishim në ekipin e Tij?
2. Si është Perëndia si trajner për ne?
3. Si na e tregon Perëndia ende dashurinë e Tij?

## Grumbullimi Përmbyllës

Tema: Për të triumfuar duhet të jemi të MËSUESHËM.

Përmbliidheni historinë e Danielit me Perëndinë si trajneri i tij me dy apo tre fjali. Kujtojeni kampistëve sesi Danieli u fokusua tek Perëndia si trajneri i tij dhe sesi Perëndia i përdori shokët e ekipit të Danielit për ta inkurajuar atë.

Pyetje Diskutimi:

1. A filloi Danieli ta lejonte Perëndinë ta trajnonte kur shkoi në Babiloni apo para se të shkonte atje?
2. Cili ishte trajnimi që ndoqi Danieli në rastin e ushqimit që do të hante? Po në rastin kur interpretoi ëndrrën?
3. Si mund të fokusoheni sot tek Perëndia si trajneri juaj?

### Përkushtim

Tema: Për të triumfuar duhet të jemi TË GUXIMSHËM

*Lexoni Danieli 3.*

Danieli 3 na jep një shembull të mahnitshëm njerëzish që me guxim iu bindën Perëndisë pavarësisht pasojave. Nebukadnesari lejoi që interpretimi i ëndrrës së tij nga Danieli ta bënte aq krenar sa që ndërtoi një statujë për t'iu kujtuar të gjithëve pushtetin e tij si Mbreti i Babilonisë dhe urdhëroi të organizohej një kremtim i veçantë për përrurimin e saj! Do kishte muzikë, dhe kur gjithçka filloi të gjithë duhej të binin në gjunjë dhe të adhuronin statujën ose ndryshe do të dënoheshin me vdekje.

Nebukadnesari mësoi që tre djemtë e quajtur Shadrak, Meshak dhe Abednego nuk u gjunjëzuan për të adhuruar statujën dhe u tërbua. Ai u dha edhe një mundësi që të adhuronin statujën e tij, por ata sërish nuk pranuan. Dashuria e tyre i përkiste Perëndisë dhe ata do adhuronin vetëm Atë.

Sikurse kjo histori, ka gjëra të cilat mund të na tundojnë që të heqim dorë nga dashuria dhe përkushtimi ynë ndaj Perëndisë. Nganjëherë të mos pasurit mjaft para mund të jetë frika që na shtyn ne si të rritur. Nganjëherë humbja e një miku apo të afërmi mund të jetë arsyeja për të mos bërë diçka që duhet ta bëjmë. Ka shumë gjëra që na shpërqendrojnë nga Perëndia. Guximi që tregohet nga Shadraku, Meshaku dhe Abednegoja është shembull sesi edhe ne mund të jemi të guximshëm dhe të këmbëngulim në bërjen e asaj që Perëndia thotë se është e drejtë, madje edhe në situatat frikësuese. Sot do t'iu tregojmë fëmijëve që të kesh guxim nuk do të thotë që nuk përballesh me frikën, por përkundrazi bëjmë atë që është e drejtë apo atë që nevojitet edhe kur jemi të frikësuar! Do të shpjegojmë gjithashtu sesi Perëndia është Ai që mund të trajtojë frikërat tona!

Konteksti:

Cilat janë frikërat që po e pengojnë aftësinë tuaj për të dëgjuar dhe për t'iu bindur Krishtit?

Kur ishte hera e fundit që ecët me guxim për t'i shërbyer Zotit?

Kur ishte një rast kur t'u desh të merrje guxim, madje atëherë kur dukej sikur synimi ishte i pamundur?

Meditoni rreth:

**Danieli 3:17-18** "Ja, Perëndia ynë, të cilit i shërbejmë, është në gjendje të na çlirojë nga furra e ndezur, dhe do të na çlirojë nga dora jote, o mbret. Por edhe sikur të mos e bënte, dije, o mbret, që ne nuk do t'u shërbejmë perëndive të tua dhe nuk do të adhurojmë figurën e artë që ti ke ngritur."

Lutuni:

Kaloni një kohë të qëllimshme në lutje. Lavdërojeni Perëndinë që është aq i madh sa që mund të na mbajë të fokusuar në Të. Falënderojeni Atë për fuqinë e tij për të na dhënë guxim në përballimin e situatave të pamundura. Filloni të luteni për fëmijët që sot do të dëgjojnë rreth temës së guximit. Lutuni për mesazhin tuaj të sotëm rreth guximit dhe për mënyrën sesi do t'i ndikojë fëmijët në ditët dhe vitet që do të vijnë. Lutuni që çdo fëmijë të ecë me besim dhe guxim, dhe që të mos lejojnë asnjë gjë që ta pengojë dashurinë e tyre për Perëndinë.

## Dita 2 – Ji i Guximshëm

### Koha në Ekip

Tema: Për të triumfuar duhet të jemi të GUXIMSHËM

Përgatitja:

**Historia #1:** Tregoni një histori për një rast kur kishit nevojë të ishit guximtar. Shpjegojuni fëmijëve sesi patët frikë dhe si e mposhtët atë.

**Historia #2:** Tregoni një histori për një rast kur patët mundësinë të zgjidhnit mes bërjes së diçkaje të vështirë sepse ishte gjëja e duhur për t'u bërë dhe diçkaje të lehtë, por që padyshim nuk ishte gjëja e duhur. (Në varësi të cilës historie zgjidhni të tregoni flisni se çfarë ndodhi dhe si u ndjetë pasi e bëtë zgjedhjen).

Pyetje Diskutimi:

1. Çfarë do të thotë të jesh guximtar?
2. Si na ndihmon Perëndia të jemi të guximshëm?
3. A është gjithmonë e lehtë të bësh gjënë e duhur?
4. Pse duhet të zgjedhim të dëgjojmë Perëndinë dhe të bëjmë gjënë e duhur?

Ndarja e Ungjillit:

Nëse jeni duke përdorur byzylykun e Ungjillit, dita e sotme lidhet me ngjyrën e zezë që simbolizon mëkatën.

Ne e dimë që Perëndia na krijoi që të ishim përgjithmonë në ekipin e Tij. Ai gjithashtu na dha zgjedhjen për ta dëgjuar ose jo trajnimin e Tij. Ka raste kur dëgjimi i Perëndisë dhe bërja e gjësë së duhur mund të jetë e vështirë dhe e frikshme. Të qenët guximtar është pjesë e mposhtjes së frikërave dhe dëshirave tona. Këtë gjë nuk e bëjmë gjithmonë. Kur mendojmë, themi dhe bëjmë gjëra që nuk i sjellin lumturi Perëndisë, këto quhen mëkat.

Në historinë tonë të sotme shohim sesi shokët e Danielit veprojnë me guxim, e mposhtin frikën e tyre, dhe bëjnë gjënë e duhur. Çfarë shembulli madhështor! Megjithatë, ne e dimë që të gjithë mëkatojnë dhe që ndëshkimi për mëkatin është të mos kesh një marrëdhënie përgjithmonë me Perëndinë. Kjo gjë e trishton shumë Perëndinë. Fatmirësisht, Perëndia ka një plan që tregon sërish dashurinë e Tij për ne!!

Pyetje Diskutimi:

1. Çfarë është mëkati?
2. A është e vërtetë që të gjithë ne kemi mëkatuar?
3. Çfarë ndodh si rezultat i mëkatis?

## Grumbullimi Përmbyllës

Tema: Për të triumfuar duhet të jemi të GUXIMSHËM

Përmbliidhni historinë e furrës së zjarrtë me dy apo tre fjali, duke iu kujtuar kampistëve sesi Perëndia e ndihmoi Shadrakun, Meshakun dhe Abednegonë që ta mundnin frikën e tyre dhe të tregonin guxim.

Pyetje Diskutimi:

1. A mendoni se Shadraku, Meshaku dhe Abednegoja u frikësuan që mund të digjeshin?
2. Çfarë rëndësie ka personi i katërt në furrën e zjarrtë?
3. Si mund të mbështeteni tek Perëndia që t'ju ndihmojë të mposhtni frikërat tuaja dhe të bëni gjënë e duhur?

### Përkushtim

Tema: Për të triumfuar duhet të jemi të PËRULUR

*Lexoni Danieli 4.*

Në këtë kapitull, mbretit Nebukadnesar i jepet një mësim për të qenë i përulur. Deri në këtë moment mbreti e ka përjetuar Perëndinë në dy raste të ndryshme. Së pari, iu dha ëndrra e statujës, e cila u shpjegua nga Danieli. Pastaj ai u bë dëshmitar okular i një prej mrekullive më të famshme të Perëndisë kur pa që Shadraku, Meshaku dhe Abednegoja u shpëtuan nga furra e zjarrtë. Pavarësisht këtyre ndodhive të mahnitshme, ai ende vazhdoi të adhuronte veten.

Në sporte shohim që njerëz të ndryshëm shpesh kanë problem me krenarinë. Këta mund të jenë lojtarë që mendojnë se janë më të rëndësishëm se ekipi, apo një ekip i tërë që e vlerëson veten më tepër se duhet. Ne shohim që krenaria hyri në botë përmes mëkatit të parë. Dëshira për të qenë personi më i rëndësishëm ka qenë gjithmonë problem për njerëzimin. Herë pas here Perëndisë i është dashur që t'i përulë njerëzit që menduan se ishin më të rëndësishëm se duhej.

Ndryshimi mes krenarisë dhe sigurisë është koncept dhe ekuilibër i vështirë për t'u arritur. C. S. Ljuis shkroi, "Përlësia e vërtetë nuk do të thotë ta nënvlerësoh veten, por të mendosh më pak për veten." Kjo ide është e rëndësishme ndërsa përpiqemi të ta reflektojmë edhe më mirë lavdinë e Perëndisë përmes asaj që bëjmë. Perëndia nuk na kërkon kurrë që ta ulim veten për hir të të dukurit të përulur, por që thjesht t'i përdorim dhuntitë tona për t'iu shërbyer të tjerëve. Sot mund t'ju duhet që ta përforconi sërish këtë koncept.

Në Jezu Krishtin kemi shembullin e përsosur të përlësisë, i cili duke qenë Perëndi, mori trajtë shërbëtori! Atij nuk

i mungoi siguria. Bibla na tregon që Ai foli me autoritet. Megjithatë, qëndrimi i Tij ishte i përlulur, duke i konsideruar të tjerët më të rëndësishëm se jetën e Tij.

Konteksti:

A ka raste kur ndiheni se jeni më të rëndësishëm se të tjerët?

Si ju ndihmojnë “ekipet” (familja, bashkëpunëtorët, vullnetarët e tjerë) përreth jush që t’ia dilni me sukses?

Çfarë lloj mbështetjeje keni nevojë të pranoni nga të tjerët për të ndryshuar nga njerëz krenarë në të përlulur?

Meditoni rreth:

**Danieli 4:37** “Tani, unë Nebukadnetsari lëvdoj, lartësoj dhe përlëvdoj Mbretin e qiellit, sepse të gjitha veprat e tij janë të vërteta dhe rrugët e tij janë drejtësi; ai ka pushtet të poshtërojë ata që ecin me kryelartësi.”

Lutuni:

Kaloni kohë të qëllimshme në lutje. Flisni me Perëndinë për çfarëdo zone të jetës tuaj që mund të jetë ndikuar prej krenarisë. Falënderojeni Perëndinë që jua ka treguar këto zona dhe lavdërojeni Atë për atributet dhe praninë e Tij. Lavdërojeni Jezusin që u tregua i përlulur ndërsa ishte në këtë botë dhe falënderojeni për shembullin e Tij. Lutuni për mesazhin tuaj për fëmijët që t’i ndihmojë të kuptojnë ndryshimin mes sigurisë dhe përlulësisë. Lutuni që zemrat e tyre të jenë të përgatitura për ta pranuar mesazhin e sotëm me përlulësi të plotë.



### Koha në Ekip

Tema: të triumfuar duhet të jemi të PËRULUR

Përgatitja:

**Historia #1:** Tregoni një histori për një rast kur ose e lejuat krenarinë t'ju pengonte ose qëndruat të përulur për shkak të arritjeve tuaja. Si i ndikoi kjo gjë njerëzit përreth jush?

**Historia #2:** Tregoni një histori për një rast kur vendosët të dëgjoni këshillën e dikujt tjetër për shkak se e dinit që mund të ishin më të mirë se ju në diçka. A ju kërkoi kjo gjë që të ishit të përulur?

Pyetje Diskutimi:

1. Çfarë do të thotë të jesh i përulur?
2. Cilat janë disa gjëra për të cilat është e lehtë të jesh krenar?
3. A mund të na çojë krenaria në mëkat?
4. Pse na kërkon Perëndia që të jemi të përulur?

Ndarja e Ungjillit:

Nëse po përdorni byzylykun e Ungjillit, dita e sotme përputhet me ngjyrën e kuqe e cila simbolizon gjakun e Krishtit.

Ne e dimë që Perëndia na krijoi të ishim në ekipin e Tij përgjithmonë dhe që mëkati ynë e prishi marrëdhënien tonë me Të. Jam shumë i gëzuar që historia nuk përfundon aty. Perëndia kishte një plan që nga fillimi, por ky plan do kërkonte shumë përlulësi që të funksiononte. Jezusi, i cili jetonte me Perëndinë në qiell, duhej të vinte në tokë dhe të na tregonte që na shihte ne si më të rëndësishëm duke sakrifikuar veten e tij në kryq për mëkatet tona. Bibla flet rreth nevojës për një sakrificë dhe Jezusi që jetoj një jetë të përsosur ende zgjodhi të sakrifikohet në mënyrë që

ne të kishim sërish një marrëdhënie me Perëndinë. Në historinë e sotme, shohim sesi Nebukadnesari vendos të fokusohet në faktin sesa i madh ishte ai në vend që të fokusohet tek fakti sesa i madh është Perëndia. Perëndia na kërkon të bëjmë të kundërtën e kësaj. Perëndia na kërkon të besojmë në Jezusin dhe të ecim me përlësi bashkë me Të në jetën tonë. Jezusi është e vetmja mënyrë sesi mëkatet tona mund të falen dhe kështu të kemi sërish një marrëdhënie me Perëndinë!

Pyetje Diskutimi:

1. Si e përlësi Jezusi Vetën për ne?
2. Pse është e rëndësishme që Jezusi nuk mëkatoi kurrë?
3. Çfarë bëri Jezusi për ne?

## Grumbullimi Përmbyllës

Tema: Për të triumfuar duhet të jemi të PËRULUR

Përmbliidhni me dy apo tre fjali historinë e ëndrrës së Nebukadnesarit dhe sesi e humbi mbretërinë duke iu kujtuar kampistëve sesi Perëndia na kërkon të jemi të përlulur dhe sesi Ai mund të na ndihmojë të mposhtim vështirësitë përreth nesh.

Pyetje Diskutimi:

1. A keni parë ndonjëherë ëndrra të çuditshme si ato të Nebukadnesarit?
2. A i treguan Perëndia dhe Danieli Nebukadnesarit saktësisht se çfarë duhej të bënte në mënyrë që ëndrra të mos realizohej?
3. Si mund të vazhdoni të jeni të përlulur në jetën tuaj dhe si veproni me Perëndinë?

### Përkushtim

Tema: Për të triumfuar duhet të BESOJMË

*Lexoni Danieli 6.*

Besimi është pjesë shumë thelbësore e marrëdhënies tonë me Jezusin. Gjithë libri i Danielit është një shembull i mahnitshëm sesa shumë i besoi Danieli Perëndisë. Që nga fillimi, Danieli i besoi Perëndisë. Ai i besoi Perëndisë ndërsa e çuan në një vend të huaj, kur hëngri vetëm perime dhe piu ujë, kur shpjegoi ëndrrat – edhe pse jeta e tij u rrezikua! Danieli i besoi Perëndisë gjatë gjithë kohës.

Kjo është një nga historitë më të famshme në Shkrim. Është një histori që përfshin shumë nga gjërat për të cilat kemi folur me fëmijët. Danieli është guximtar për të bërë atë që është e drejtë, edhe pse e njihte ligjin. Ai gjithashtu e përuli veten dhe thotë që jeta e tij nuk është më e rëndësishme se lavdia e Perëndisë.

Në historinë e gropës së luanëve Danieli jo vetëm që i besoi Perëndisë, por gjithashtu u tregua i besueshëm. Danieli nuk bëri asgjë gabim. Kjo i bëri shumë xhelozë disa nga këshilltarët, prandaj ata krijuan një ligj kundër lutjes ndaj çdo perëndie me përjashtim të Mbretit Dar. Sigurisht, Danieli qëndroi i guximshëm, nuk u lëkund dhe vazhdoi t'i lutej vetëm Perëndisë.

Nganjëherë mund t'i besojmë Perëndisë me shpëtimin tonë të përjetshëm, por e kemi të vështirë që t'i besojmë me gjërat më të vogla të cilat mendojmë se mund t'i kontrollojmë. Perëndia nuk dëshiron që t'i besojmë Atij thjesht sa për të shkuar në qiell; Ai dëshiron të na shohë që i besojmë Atij me jetën tonë çdo ditë. Kjo është saktësisht ajo që bëri Danieli dhe çfarë i dha lavdi Perëndisë dhe i bëri njerëzit rreth Danielit që të mahniteshin!

Mbreti përjetoi një mrekulli të Perëndisë kur pa që Danieli

nuk ishte lënduar nga luanët. Pastaj ai shpalli një dekret të ri që Zoti ishte i vetmi Perëndi që duhej lavdëruar!

Konteksti:

Çfarë frikërash po jua mjegullojnë zemrën dhe mendjen dhe po ju shtyjnë që të mos i besoni Perëndisë në këtë moment?

Si ndikohet jeta juaj prej besimit në Perëndinë?

Cilat janë disa mënyra sesi mund të nisni t'i dorëzoheni dhe t'i besoni Perëndisë në mënyrë më të plotë në jetën tuaj?

Meditoni rreth:

**2 Samueli 7:28** “Dhe tani, o Zot, o Zot, ti je Perëndia, fjalët e tua janë të vërteta, dhe i ke premtuar këto gjëra të bukura shërbëtorit tënd.”

Lutuni:

Kaloni një kohë të qëllimshme në lutje. Filloni të luteni për fëmijët që sot do të dëgjojnë Ungjillin e Jezu Krishtit për herë të parë! Lutuni që zemrat e tyre të hapen për t'i besuar fjalës së Perëndisë. Lavdëroni Perëndinë për jetën, vdekjen dhe ringjalljen e Jezusit të cilat na mundësojnë faljen dhe jetën e përjetshme me Perëndinë. Lutuni që mesazhi juaj për besimin të dëgjohet dhe pranohet. Së fundi, lavdëroni Perëndinë për Jezu Krishtin i cili është i denjë për gjithë lavdërimet tona pasi ai është prova e faktit sesa i madh dhe i besueshëm është Perëndia ynë.

### Koha në Ekip

Tema: Për të triumfuar duhet të BESOJMË

Përgatitja:

**Histori Jete:** Tregoni historinë tuaj sesi i besuat Jezusit si Zoti dhe Shpëtimtari juaj. Çfarë do të thotë që Jezusi ju ka falur mëkatet? Si ju ka ndryshuar besimi juaj për falje në Perëndinë?

Pyetje Diskutimi:

1. Çfarë do të thotë të besosh?
2. Cilat janë disa gjëra për të cilat u besoni njerëzve të tjerë?
3. Si mund të tregojmë që u besojmë njerëzve të tjerë? Si mund t'i tregojmë Perëndisë që besojmë tek Ai?
4. Me çfarë duhet t'i besojmë Perëndisë në mënyrë që të kemi një marrëdhënie të përvetshme me Të?

Ndarja e Ungjillit:

Nëse po përdorni byzylykun e Ungjillit, dita e sotme lidhet me ngjyrën e bardhë e cila përfaqëson një zemër të pastër.

Ne e dimë që Perëndia na krijoi të ishim përgjithmonë në ekipin e Tij dhe mëkati ynë e prishi marrëdhënien tonë me Të. Kemi mësuar gjithashtu që Perëndia ka një plan për të na kthyer sërish në një marrëdhënie me Të. Jezusi e përuli Vetën, na konsideroi ne më të rëndësishëm. Edhe pse Jezusi jetoi një jetë të përsosur, ai ende zgjodhi të vdiste në kryq për mëkatet tona. Kjo gjë na mundëson ne të kemi sërish një marrëdhënie të përsosur me Perëndinë nëse besojmë që Jezusi është e vetmja udhë për në qiell. Edhe nëse mëkatojmë sërish, Perëndia na fal. Perëndia hapi një udhë që të jemi me Të në atë marrëdhënie përgjithmonë! Pasi Jezusi vdiq në kryq, u varros në një varr. Tri ditë më pas Jezusi u ngrit nga varri dhe e mundi vdekjen! Mund

të besojmë që Perëndia jo vetëm që ka falur mëkatet tona dhe ka rregulluar marrëdhënien tonë me Të, por që Ai dëshiron të ketë një marrëdhënie të përjetshme me ne!

Në historinë e sotme shohim Danielin dhe sesi atë e hodhën në gropën e luanëve për shkak se vazhdoi të lutej edhe kur kjo gjë ishte kundër ligjit. Kur Danieli dëgjoi për ligjin, besoi që Perëndia do të kujdesej për të, edhe nëse e hanin luanët. Sapo e kapën duke shkelur ligjin, Perëndia ishte e vetmja mundësi që Danieli kishte për të mbetur gjallë. Jezusi është e vetmja mënyrë sesi mund të jetojmë përgjithmonë me Perëndinë!

Pyetje Diskutimi:

1. Çfarë duhet të bëjmë për t'u shpëtuar nga mëkati?
2. Si mund t'i themi Perëndisë që besojmë në Jezusin si Shpëtimtari ynë?
3. A e keni marrë ndonjëherë vendimin për t'i besuar Jezusit për jetën e përjetshme në qiell?

## Grumbullimi Përmbyllës

Tema: Për të triumfuar duhet të BESOJMË

Përmbliidheni me dy apo tre fjali historinë e Danielit në gropën e luanëve duke iu kujtuar kampistëve që mund t'i besojmë Perëndisë përgjithmonë me jetën tonë.

Pyetje Diskutimi:

1. A e dinte Danieli për ligjin kur vendosi të vazhdonte t'i lutej Perëndisë?
2. Si krahasohet historia e Danielit me historinë e Jezusit që kemi dëgjuar?
3. Si mund t'i tregojmë Perëndisë që besojmë në Jezusin përmes mënyrës sesi jetojmë?

### Përkushtim

Tema: Për të triumfuar duhet të SHPRESOJMË

*Lexoni Danieli 7.*

Nganjëherë jeta mund të duket e pasigurt, e padrejtë, e frikshme dhe madje e papërbalueshme, por ne mund të kemi shpresë për shkak se e dimë nga Bibla se në fund fiton Perëndia. Shpresa mund të vijë nga shumë vende të ndryshme. Mund të shpresojmë për një dhuratë të caktuar për Krishtlindje, por nuk kemi siguri që do ta marrim atë. Nëse ekipi ynë i zemrës po konsideron të blejë një lojtar të famshëm mund të themi, “Shpresoj që do ta marrin në ekip.” Kjo lloj shprese është thjesht një hamendësim sepse nuk e dimë nëse do të ndodhë. Kjo e bën të mrekullueshme shpresën që Perëndia na jep; Ai na thotë që do të ndodhë!

Shpresa jonë nuk ka të bëjë vetëm me ndodhitë e së ardhmes. Ne kemi shpresë që Jezusi po punon sot sipas planit të tij të përsosur. Mund të shpresojmë që Perëndia mund ta ndryshojë jetën e një biri apo bije që mund të jetë duke u përleshur me një varësi. Mund të shpresojmë që Perëndia do ta shërojë një të afërmin tonë nga një sëmundje e rëndë. Ka shumë gjëra që mund të shpresojmë të cilat Perëndia i bën, sepse çdo situatë mund të transformohet prej fuqisë së Tij!

Në ëndrrën e Danielit shohim shpresë për të ardhmen, por gjithashtu e dimë që Danieli kishte shpresë për gjërat në të tashme. Këtë gjë e dalluam në çdo histori ndërsa Danieli dhe miqtë e tij shpresuan në Perëndinë i cili ishte përkrah tyre në çdo hap të udhëtimit të tyre. Ne e dimë që Mbretëria e Perëndisë po vjen dhe mund të kemi shpresë edhe tani dhe këtu. Ne gjithashtu mund të kemi shpresë në mbretërinë e Perëndisë që do të vijë shpejt. Jezusi ka luftuar dhe e ka fituar për ne betejën mbi mëkatin dhe vdekjen dhe për shkak të kësaj mund të kemi shpresë!

Konteksti:

Si ndikon shpresa afatgjatë e jetës së përjetshme me Perëndinë në mënyrën sesi e jetoni jetën tuaj sot?

Çfarë zonash në jetën tuaj keni nevojë t'i mbushni me shpresë?

Ku mund të keni nevojë t'u jepni fund sforcimeve dhe të nisni të shpresoni?

Meditoni rreth:

**Hebrenjve 6:19** "Kjo shpresë që ne kemi është si një spirancë e sigurt dhe e patundur, dhe që hyn deri në brendësinë e velit."

Lutuni:

Kaloni kohë të qëllimshme në lutje. Filloni të luteni për fëmijët tek të cilët keni investuar kësaj jave, në mënyrë që ajo që u keni treguar të mbetet në zemrat dhe mendjet e tyre. Lutuni që Perëndia të përgatitë zemrat e fëmijëve që kanë nevojë të kalojnë nga një gjendje pa shpresë tek një e mbushur me shpresë! Lutuni për ata që kanë njohur Krishtin këtë javë! Lavdëroni Perëndinë për javën e kampionit dhe gjithë sa Ai ka bërë me fëmijët në ekipin tuaj!



### Koha në Ekip

Tema: Për të triumfuar duhet të SHPRESOJMË

Përgatitje:

**Historia #1:** Tregoni një histori për një rast kur shpresuat që diçka do të ndodhte por nuk ndodhi. Ju gjithashtu mund të fokusoheni tek diçka që po shpresoni tani dhe pse mendoni që do të ndodhë.

**Historia #2:** Tregoni për një rast kur shpresa në Perëndinë ju ndihmoi të kaloni një situatë që dukej e pamundur. Fokusohuni tek mënyra sesi shpresa ju ndihmoi ta kaloni atë situatë.

Pyetje Diskutimi:

1. Çfarë do të thotë të jeni njerëz me shpresë?
2. Cilat janë disa gjëra për të cilat shpresojmë?
3. Si mund ta përdorim shpresën për të kaluar situatat që duken të pamundura?
4. Si na ofron shpresë Perëndia këtu në tokë dhe për përjetësinë?

Ndarja e Ungjillit:

Nëse po përdorni byzylykun e Ungjillit, dita e sotme përputhet me ngjyrën e verdhë që simbolizon paraajsën.

Ne e dimë që Perëndia na krijoi të ishim në ekipin e Tij përgjithmonë dhe mëkati ynë e prishi marrëdhënien mes nesh dhe Perëndisë. Gjithashtu kemi mësuar që besimi në Krishtin është e vetmja mënyrë sesi mund të jemi në një marrëdhënie me Perëndinë përgjithmonë. Kur e pranojmë dhuratën falas të jetës së përjetshme nga Perëndia në një marrëdhënie me Të mund të kemi shpresë në shumë mënyra! Një nga mënyrat më të mira që mund të kemi shpresë është duke kërkuar të shohim kush është

Perëndia dhe se çfarë ka bërë Ai në të shkuarën. Këtë gjë e mësojmë duke lexuar fjalën e Perëndisë, duke u takuar me njerëz të tjerë që besojnë në Jezusin, duke mësuar përmendësh vargje nga Bibla, dhe përmes lutjes. Kur i bëjmë këto gjëra mund të kemi shpresë që Perëndia është me ne tani e përjetë!

Në historinë e sotme hedhim vështrimin pas dhe shohim gjithçka që kaloi Danieli dhe shokët e tij. Mund të dallojmë sesi Perëndia ishte besnik. Kjo duhet të na japë shpresë që Perëndia është besnik edhe me ne. Gjithashtu do të shohim edhe një ëndërr tjetër të çuditshme nga Danieli dhe do të dallojmë se çfarë ka ruajtur Perëndia për të ardhmen. Perëndia do të ngrejë një mbretëri që do të vazhdojë përjetë dhe ne mund të kemi shpresë që do të jemi me Të. Kjo ndodh kur i besojmë Jezu Krishtit si e vetmja mënyrë që ne të jemi me Perëndinë në Qiell!

Pyetje Diskutimi:

1. Ku mund të mësojmë më tepër se përse mund të shpresojmë në Perëndinë?
2. Si mund t'ua tregojmë njerëzve të tjerë shpresën e jetës së përjetshme me Perëndinë?
3. Cila është një gjë që mund të bëjmë që t'ua tregojmë njerëzve të tjerë dashurinë e Perëndisë?

## Grumbullimi Përmbyllës

Tema: Për të triumfuar duhet të SHPRESOJMË

Përmbliidhni dhe rishikoni ëndrrën e Danielit me dy apo tre fjali, duke iu kujtuar kampistëve sesi mund të kemi shpresë që do jemi me Perëndinë në mbretërinë e Tij të përsosur.

Pyetje Diskutimi:

1. Për çfarë bënte fjalë ëndrra e Danielit dhe pse është e rëndësishme që ne ta dimë?
2. Cila histori nga libri i Danielit ju jep më tepër shpresë në Perëndinë?
3. Si mund të vazhdoni të keni shpresë në jetën tuaj?

## Ndarja e Ungjillit

Ju mund të përdorni pesë ngjyrat e byzylykut të Ungjillit (apo mjetin tuaj të preferuar) për të ndarë Ungjillin me kampistët. Përdorini versionin tuaj të preferuar të Biblës kur t'u lexoni vargjet kampistëve.

Nëse zgjidhni të përdorni byzylykun e Ungjillit ja sesi mundeni.

### Ngjyra e Gjelbër – Rritja

**Mesazhi:** Perëndia krijoi tokën dhe gjithçka në të. Perëndia ju krijoi edhe ju! Ai ju krijoi të ishit në një marrëdhënie me Të.

**Vargu:** Zanafilla 1:27 “Kështu Perëndia krijoi njeriun simbas shëmbëlltyrës së vet, simbas shëmbëlltyrës së Perëndisë; Ai krijoi mashkullin e femrën.”

### Ngjyra e Zezë – Mëkati (Njeriu)

**Mesazhi:** Perëndia është i shenjtë dhe nuk e lejon mëkatin në qiell. Kjo do të thotë që marrëdhënia për të cilën Perëndia na krijoi është prishur.

**Qartësoni:** Mëkati është çdo gjë që mendojmë, themi apo bëjmë që nuk i pëlqen Perëndisë. Ndëshkimi për mëkatin tonë është vdekja dhe ndarja nga Perëndia në ferr. Ju dhe unë nuk mund të bëjmë dot asnjë gjë për ta larguar mëkatin tonë.

**Vargu:** Romakëve 3:23 “Sepse të gjithë mëkatuan dhe u privuan nga lavdia e Perëndisë.”

### Ngjyra e Kuqe – Gjaku i Krishtit (Kryqi)

**Mesazhi:** Biri i Perëndisë, Jezu Krishti, vdiq në kryq për të marrë ndëshkimin për mëkatet tona. Kjo do të thotë

që Perëndia na fal për mëkatet tona dhe e riparon marrëdhënien tonë me Të.

**Qartësoni:** Jezusi vdiq për ne në mënyrë që ne të mos na duhet të shkojmë kurrë në ferr. Vetëm Jezusi mund ta largonte ndëshkimin tonë sepse Ai është Biri i përsosur i Perëndisë i cili nuk mëkatoi kurrë. Ai gjithashtu e mposhti vdekjen kur u ringjall prej së vdekuri në mënyrë që ne të jetojmë përjetësisht me Perëndinë në Qiell!

**Vargu: 1 Korintasve 15:3b** "...se Krishti vdiq për mëkatet tona sipas Shkrimeve."

### Ngjyra e Bardhë – Besimi

**Mesazhi:** Ju duhet të reagoni duke besuar personalisht që Jezusi vdiq për të paguar për mëkatet tuaja dhe që Ai u ringjall së vdekuri.

**Qartësoni:** Të besosh në Jezusin do të thotë se bini dakord që jeni mëkatar dhe që e vendosni besimin tuaj në Jezusin si ai që ju fal dhe ju shpëton nga mëkati juaj.

**Vargu: Romakëve 10:9** "Sepse, po të rrëfesh me gojën tënde Zotin Jezus, dhe po të besosh në zemrën tënde se Perëndia e ngjalli prej së vdekurish, do të shpëtohesh."

Inkurajoni një kampist që beson në Jezusin ta shprehë besimin e vet përmes lutjes. Inkurajojeni të përdorë fjalët e veta, por gjithashtu mund të përsëritë këtë lutje: "Zot Jezus, e di që kam bërë gjëra të gabuara. Besoj që ti vdiqe dhe u ringjalle që të paguaje për mëkatin tim. Unë të besoj ty si Shpëtimtarin tim. Faleminderit që i fal mëkatet e mia dhe bën të mundur që unë të jem përjetësisht në qiell me Perëndinë. Amen."

### Ngjyra e Verdhë – Qielli (Perëndia)

**Mesazhi:** Perëndia të do dhe dëshiron të jetosh përjetësisht në qiell me Të.

**Vargu: Gjoni 14:1-2** “Zemra juaj mos u trondittë; besoni në Perëndi dhe besoni edhe në mua! Në shtëpinë e Atit tim ka shumë banesa; përndryshe do t’ju thoja. Unë po shkoj t’ju përgatis një vend.”

**Qartësoni:** Nuk ka pse të presim derisa të shkojmë në qiell që të jemi me Perëndinë. Ai është me ne tani dhe dëshiron që ne të fillojmë dhe ta njohim Atë.

### Ide të tjera për të ndarë Ungjillin

Mbajini idetë e mëposhtme në mendje ndërsa e ndani Ungjillin me kampistët. Për idetë mund të gjeni shpjegime të tjera në Manualin e Trajnimit të Trajnerit.

- Flisni individualisht me çdo kampist rreth Ungjillit të paktën një herë në javë.
- Ftojini kampistët t’i lexojnë vetë vargjet që flasin për shpëtimin dhe t’i personalizojnë ato.
- Mos përdorni shumë simbolizëm; fëmijët i interpretojnë fjalët në mënyrë të drejtpërdrejtë në këtë moshë.
- Prezantoheni Ungjillin rregullisht gjatë javës; fëmijët mësojnë përmes përsëritjes.
- Mos u bëni presion kampistëve që të marrin një vendim. Lëreni Frymën e Shenjtë që t’i bindë.
- Sigurohuni që kampistët ta kuptojnë mëkatën, që të gjithë ne jemi mëkatarë, që nuk e arrijmë lavdinë e Perëndisë dhe që shpallemi të drejtë nga hiri i Tij si dhuratë përmes shpengimit që është në Krishtin Jezus.
- Mos u nxitoni. Kaloni kohë për të folur dhe për të bërë pyetje.
- Përdorni Biblën kur të ndani Ungjillin.
- Ruani një qëndrim lutjeje.

## Ide rreth Disiplinës

Normalisht, një korrigjim i butë verbal është gjithë sa nevojitet për ta kthyer një kampist në sjelljen e duhur. Nëse kampistët ende vazhdojnë të mos dëgjojnë provoni të përdorni sugjerimet e mëposhtme:

- Kujtojini kampistit rregullat.
- Kërkojini kampistit t'ju ndihmojë ndërsa demonstroi një aktivitet apo drejtojini në një rol tjetër pozitiv ndihme.
- Përmendni emrin e kampistit ndërsa jepni udhëzimet. Kërkojini një trajneri mbështetës të ulet apo qëndrojë pranë kampistit.
- Mbajini gjërat në lëvizje dhe interesante! Kaloni në një aktivitet të ri. Bëni kalime të rregullta dhe të shpejta.
- Përdorni lavdërime dhe përforcime pozitive për të inkurajuar sjelljen e pëlqyeshme.

### Numërimi-deri-në-pesë për disiplinën në grup

Përdorni këtë procedurë për të vendosur rregull dhe për të mbajtur vëmendjen e grupit. Shpjegojeni dhe praktikojeni me ekipin tuaj në fillim të javës.

Udhëheqësi që është në kontroll numëron ngadalë dhe me zë të lartë deri në pesë me dorën lart dhe duke përdorur gishtat për të numëruar.

Kampistët reagojnë duke heshtur dhe mbajtur qetësi para se të mbarojë numërimi deri në pesë. Edhe udhëheqësit e tjerë duhet të rrinë në qetësi.

### Numërimi-deri-në-tre për disiplinën

**Numëro Një:** Paralajmëroje kampistin që rastin tjetër kur do të sillet keq do duhet të flasë me një nga mbikëqyrësit.

**Numëro Dy:** Nëse kampisti vazhdon të mos sillet mirë, Drejtori i Kampit apo një anëtarë i caktuar i stafit do vijë të flasë me të. Zakonisht Drejtori i Kampit do të flasë me prindërit e kampistit kur ata të vijnë.

**Numëro Tre:** Nëse sjellja vazhdon, Drejtori i Kampit do ta marrë kampistin mënjanë dhe do ta largojë nga aktiviteti për një farë kohe. Ai mund të dërgohet në shtëpi nëse bëhet pengesë e madhe. Këtë gjë do ta vendosë Drejtori i Kampit.

### Procedura shtesë disiplinimi

Radhitni më poshtë procedurat shtesë të disiplinimit që sigurohen nga Drejtori i Kampit.

## Udhëzime për Sigurinë

- **KUJDES NGA DIELLI!** Kujtojuni të gjithë pjesëmarrësve që vazhdimisht të përdorin krem kundër diellit! Sa herë të jetë e mundur futuni në hije gjatë pushimeve apo aktivitetit.
- **PINI UJË.** Kujtojuni të gjithëve që të pinë shumë ujë.
- **KINI KUJDES.** Lajmëroni udhëheqësit për ndonjë spektator të panjohur, të dyshimtë apo që ndërhyr në hapësirën e kampit.
- **NDIQNI POLITIKAT E KISHËS TUAJ PËR MBROJTJEN E FËMIJËVE.**
  - Shoqërojeni fëmijët në tualet ose dërgojini me vullnetarët e caktuar.
  - Një i rritur nuk duhet të jetë kurrë vetëm me një fëmijë (apo ku nuk shihet nga të tjerët ndërsa është vetëm me fëmijën).
  - Përdorni “prekje të sigurta” për të treguar përkujdesje.
  - Raportoni çdo zbulim apo dyshim për abuzim të fëmijëve tek personeli i duhur i kampit dhe tek autoritetet lokale.
  - Ua besoni kampistët vetëm prindërve apo kujdestarëve të tyre.
  - Më poshtë radhitni pika shtesë nga politika e kishës tuaj për mbrojtjen e fëmijëve:



**Ora**

---

---

---

---

---

---

---

---

---

---

**Ndodhia**

Mbërritja e trajnerëve  
Mbërritja e kampionëve  
Mirëseardhje/ushtrime  
Sesioni i Trajnimit 1  
Ushqim/pushim  
Koha në Zonë  
Koha në Ekip  
Sesioni i Trajnimit 2  
Largimi i kampionëve  
Analiza e udhëheqësve  
Largimi i trajnerëve

**Shënime**

---

---

---

---

---

---

---

---

---

---

**HIGH  
POWER**

The background of the entire page is a teal sunburst pattern, with numerous lines radiating from the center towards the corners. The lines are of varying lengths and thicknesses, creating a dynamic, energetic feel.

# **HIGH POWER**

**Base Sports Ministry**

708 Broadway, Suite #201

Tacoma, WA 98402

(866) 238-0163

[www.basesports.org](http://www.basesports.org)

A ministry of  
**Youth Missions  
International**